

幼科鐵鏡

下



幼科鑒鏡卷下

貴池卓溪夏鼎禹鑄氏手著

男邑庠之日孟然  
受業弟邑庠鐸禹懋全不

男郡庠之靈飛霖

麻症

夏禹鑄曰痘出於臟麻出於腑麻乃大腸主之毒氣蒸肺故發咳嗽先輩書未嘗齒及麻症蓋以其輕而忽之也却不知表症難輕毒侵肺腑亦多與鬼為隣余經歷甚眾費手居多因不惜筆力詳著於篇以杜嬰兒麻症之患流行麻症其候燒熱必發咳嗽聲必稍啞面皮微有麻樣兩腮顏色微紅此吉兆也如出發不映及不透發或紅點見面偶挾風邪而隱或醫人不知誤除燒熱隱而不出腫內作痛治之神莫神於天保采薇湯聖莫聖於天保采微湯只須一服即發出或有不盡發者再加一服從末有不效者如肺臟先虛又加大腸毒氣攻肺面皮像燒燙的式子慘白浮浮光光溜溜便是肺氣已絕在精威二穴對令其聲不出必是死症藥之無濟有麻方見點隨即收入或瀉青水審非風寒為害唇色慘白口氣微微此乃內虛不能送赤不可分利且瀉惟用八珍湯與凡以托之外用蔥半斤許白酒煎通身擦之如再不透發只額上稍見些微惟用六君子湯究循循調治自愈 有麻初發熱時心火盛極刑剋肺金至麻不出必先由黃連木通等分服之再用防風荆芥葛根升麻南星枳殼芍藥桑皮柴胡桔梗甘草

服之即發

有痢疾兼麻症若麻見點急用香茹桔梗枳殼黃連厚朴木通升麻赤芍車前

煎服麻瘡透發再治痢疾此秉輕從重之法不可不知 本邑陶二公泮玉之子麻症發熱方

兩日醫人誤為除熱麻伏不出形狀似驚差役請余治而色花雜喘急不嗽必有內毒於太陽

穴以口涎搽之皮內隱有紅點知是麻毒內攻無燒不出用天保采薇湯倍加升麻乾葛一服

額上見點色不紅起面色唇口慘淡無澤知為內虛即用固真湯一服通身發熱陶公驚飾余

曰麻非帶熱不出仍服天保采薇湯一劑通體透發愈此見面色花雜便知內毒之一驗也

培經樓同學庠友方恒綬一子麻症隱而不出形症甚凶邀余治見其面色慘白口氣微冷唇

舌淡白大便泄瀉即用八珍湯一服額稍見點恒綬因姪前麻症殞於泄瀉力迫止瀉余曰分

利更虛不無見口吻問覺以瀉瀾性命勉強用五苓散果止而額上紅點即隱又用十全大補

湯內托外用葱酒蒸引卒不透發余值事往郡躡後札示皮上每發一泡破即成黑屈附他醫

攻毒方單余札復曰肌肉脾屬破即成窟乃脾虛之極何可攻毒惟用六君子湯頌脾為主果

然見效此乃望色審竅萬無一失分利虛脾即此可見之一驗也 思誠堂同學友措大方

薪衍第五即患麻症初醫者不知麻候用六一散以除燒熱邀余過治見其舌純紫兩唇燥裂

大小二便皆秘聲嘶不已即用黃連八分木通黃柏各一錢服下大便刮白如冷痢然在座者

曰吻覺為涼刺所致余亦躊躇滿志豈臟腑苗竅此症獨不相符毫不首鼠問前醫退熱所用

何劑薪衍曰六一散余便恍覺下元為六一寒冷所滯致火不降灼無疑矣隨以炒鹽久熨臍

下仍用前味黃連倍加服之方下大便燥結與黑棗無異可見苗寔辨真治之定然不爽之一  
驗也 一辨傷寒附寒極似熱小兒之十指俱冷以三指按額俱熱身壯熱面赤而淡不動

必掣此傷寒之症也表散法開天門分陰陽推三關體厚則重發其汗揉太陽升外勞宮連八  
卦推良入坎症輕推之自愈重用元膏火定之體弱隨發汗隨止女反是治用苦蘇飲六士  
服之 有寒極似熱者面色紅如水紅桃花口渴而唇不乾燥舌不紅紫大便青色小便青

長此寒極也似熱者因面有紅色口有渴形故也治之與前法同 如口作渴大便秘小便

赤是內有熱而外傷寒也宜先表外面後清裏為主表用苦蘇飲六士裏用白茯苓夏陳皮連

翹木通枳殼甘草煎服 本部田三公祖之公孫方二歲抱風寒燒熱症郡醫見燒熱驚悸

便作驚症治數日不愈余以三指按額俱熱見十指俱冷用苦蘇飲一劑留飲席未解內小童

報曰小相公熱退矣此熱有表裏不可不辨之一驗也 余於癸丑科會試盛京有鑾儀衛

正堂許公乃孫方歲半患傷寒症初延太醫院幼科失表後於朝房內余同里員外郎陳是菴

道及於予即日來貴池館親邀往治但見身冷如水痕毛差差面色慘晦不知人事知寒邪內

伏用天保采薇湯一劑囑曰夜發熱則明日來治否則莫可如何矣夜果發熱仍用前湯一劑

熱又解許曰發熱退熱藥同效異真出奇也余曰尋常症在表感一劑便解如令公孫邪被藥

誤伏內昨一劑攻邪邪到肌表表見邪自是作熱仍以原方加追一劑表解熱除無甚奇也許

曰前是菴脩道年翁乃幼科白眉今若此詢名下無虛以百金壽余辭曰晚兩代治救嬰兒從

不受謝一文再四面壁更欲題請入太醫院又辭曰老母在堂晚在都門白云頻望承盛意心領之可矣許乃止此關門殺賊之一徵也

方伯張存儒先生有公郎抱驚風患初郡中醫作夾食用消導劑症加甚後余用半夏四錢生姜一錢防風二錢一服即愈遂拜余為假父此藥用當而通神之一驗也

余邑張中尊媛患病邑中醫會治十餘天不愈會余到邑中尊得聞接余治婢方抱出去座五六步外望見面上光浮浮毫無寶色余曰不須抱近請回中尊問症若何余曰肺氣已絕不可治矣明日果死此望色而知為死症之一驗也

一辨夾食傷寒 小兒十指俱熱我按兒指兒額三指俱冷其候身熱或吐或瀉或不吐瀉口必惡食而腹必浮脈按而鼓聲或作痛是也推法開天門分陰陽男女同男重揉太陽發汗體弱太陰止之女反是推上三關二十退腑六七下運八卦重揉良宮於大指面旋推補脾曲

兒小指重揉外勞於第二指太陽位側推到虎口以止瀉不瀉不推重按中指一節以止吐不吐不搯於左腳湧泉穴左轉揉之止瀉不瀉不揉少頃右轉揉之止吐不吐不揉則右轉右

揉止瀉左轉左揉止吐推畢即用燈火臍輪四焦胸口一焦用水酒曲一枚火煨黃色研末白湯送下即愈重則用治導二陳湯牛九加柴胡紫蘇等味煎服

珩山孝廉方詔星乃孫發吐燒熱微掣吐輕熱重余子壻方平壻初業斯道投天保保微湯一劑不效邀余一見知為內傷飲食外挾風邪用霍香正氣丸散一服即愈余以湯名曰天保保微取其治外治內之意用

之不當雖多奚為在余壻以為症屬內傷外感湯屬內外並治穉兒不為非是然不知症似社

鼠城狐重症何可輕發此學者之所宜知而宜慎也

一辨腹痛

腹痛臍以上屬火臍以

下屬寒其因不一有寒痛熱痛傷食痛積滯痛氣不和而痛脾虛而痛肝木乘脾而痛蛔動而痛數種寒痛面白口氣冷大便青色小便清利痛之來也遷緩而不速疾綿綿不已痛時以熱

一按之其痛稍止肚皮冰冷是也推法曲兒小指重揉外勞宮推上三關揉臍五十藥用泥姜

肉桂等分煎熟加木香磨水人服之自愈 熱痛則面赤口氣熱口渴唇紅大便秘小便赤

時痛時止痛來迅厲腹形如常不腫不能彈之不响以熱手按之其痛愈甚肚皮滾熱此真熱也推用下六腑水底撈月蓋熱痛主心脾兩熱用燈心車前伏龍肝加木香磨水稍許入服

傷食痛者必惡食眼胞必浮痛或瀉下酸臭腹必飽脹彈如鼓聲或身作熱是也如氣不旺者不宜取瀉只用消導二陳湯干九 積滯痛者今日傷明日傷逐日傷之而滯於脾胃間不

以飲食碍其傷不痛既有擇而後以乳食傷碍故痛也面色黃瘦氣酸大便酸臭仰後痛減足冷嗜卧不思飲食是也治宜枳壳檳榔木香下也下後即以小異攻散平六補之 氣不和

而痛者兒下地後父母多恐兒臍受風以裹肚束臍過緊不知兒體漸長束縛未鬆則上氣不逼下氣以致內氣不和故作痛也審其非寒非熱問其母而臍果有束縛之弊則氣不和之痛

必矣治以木香磨水服之隨用燈火臍輪一焦臍下氣海一焦心口窩一焦其痛即止大兒之

氣不和者其候眼胞不腫面色不黃飲食如故腹腫擊之如鼓聲推其頭面愛氣是也宜用木香陳皮枳壳甘草服之 脾虛痛者其候面無血氣微黃帶微白大便少面色白治以積脾

胃開為主用六君子湯亮加橘皮

肝木乘脾痛者肝木剋皮脾虛不勝其剋則肝氣無所

洩故乘脾之衰而作痛也其候唇白口中色淡面多青色痛則腹連兩脇重按其腹則痛非起

手又痛是也治用四君子湯二十加柴胡白芍

蛔痛者腰曲撲身口流青涎痛久不歇少

頃又痛或一時或二時而止或歇半日又痛面黃唇白此蛔痛也治用使君子去壳火煨吃十餘粒少頃又吃即止以上嬰兒腹痛口不能言何以知之蓋兒痛必哭無故而哭者痛也哭聲雄慘而雙眉蹙是也如使君子食之不妙於苦練子樹根皮約一二兩許水煎一茶盞吃下虫即盡出但弱體者不可輕服

又有一種奇痛一痛只大叫幾聲痛腮痛即抱胸暈死余

家有一婢犯此症先君在日余見將婢而撲地用冷水一盆以婢膝着於水上於委中穴澆水狠相粗筋腫起用銀針傍筋打入二針針出血流叫一聲痛即醒隨用冷水滾水各半連吃一二碗立愈記先君曰此急痧也與轉筋大差似如平常復痛從未有一痛而即死者急痧之辨緊記在此

夏禹鑄曰常規內經有曰胃虛則吐胃熱則嘔固是此說殊屬大謬何也余屢

屢見吐吐固有虛常亦有熱嘔雖是熱却亦有寒此余匪非議前人蓋見之多而治之效也二症各有虛熱不可拘執惟望面色唇舌之間紅則熱而淡則虛斷無有悞至於瀉泄出少而緩曰泄出多而勢急曰瀉泄則症輕瀉則症重惟以所瀉之色驗之治無不效

一吐 胃虛

發吐其候面白神疲不熱不渴口氣溫和而帶微冷額前微汗治宜助胃膏二十二 胃熱發吐面赤唇紅煩渴溺赤口氣蒸手宜用熱石膏七分八分研細末神茶送下 胃氣不和發吐



其候惡食此由積滯在胃復為食傷搃兒之頭便愛氣治用水酒曲一枚火煨黃色研細白湯調下用枳壳木香陳皮半夏香附服之

有霍亂而吐者吐不瀉者手足厥冷臍腹之上絞痛名曰轉筋火治用滾水一碗冷水一碗相和飲下即愈

有內傷飲食外感風邪而吐者身熱眼燒疲倦治用藿香正氣散必止

有傷風嘔吐者治用清金飲五八 一瀉 夏禹鑄曰吐從面色辨之不夾瀉更宜辨所瀉

之色暴領下始屬火水液澄清屬寒老黃色屬心脾肺實熱宜清淡黃色屬虛熱宜補青色亦

屬寒宜溫淡白色屬脾虛宜補醬色屬溫氣宜蒼木燥濕醜臭屬傷食宜導消二陳湯干九

脾虛作瀉瀉下白色或谷食不化或水液澄清其候面白神疲唇口慘淡舌白口氣溫冷治宜

理中湯五和附子或六君子湯 脾熱作瀉瀉時暴注下迫便黃溺赤口氣蒸手煩渴少

食治宜五苓散干九加山梔仁 有氣虛下陷瀉者宜補中益氣湯其候與脾虛差同

有傷食兼滯瀉者其候暖醜氣吞酸脹滿一痛則瀉一瀉痛減治宜用大腹皮神曲麥芽山查

白朮木香檳榔如食已消痛已止而瀉不止者乃脾失清升之氣宜補中益氣湯二七若食消

而腹猶痛乃脾痛也宜小異攻散干六 有肝瀉者瀉青稠粘乃肝木乘脾治宜麥冬桔梗

白朮白茯苓人參木香酸棗仁甘草 先瀉數日已止又瀉隨發驚此症多不可治蓋瀉而又

瀉脾敗之極加之外邪由肺剋肝肝又動風剋脾脾敗將絕不受肝剋故肝風烈極毫無泄處

如祛風解熱元氣將盡將謂療驚不能救脾將謂救脾驚不能止無法可治

一吐瀉 夏禹鑄曰內經有曰胃虛則吐脾虛作瀉胃脾俱虛吐瀉兼作此言亦謬若先世後

吐面白神疲不熱不渴額有微汗乃脾胃虛寒也宜理中湯五或小異攻散十六或六君子湯

无若先吐後瀉面赤唇燥煩濕溺赤乃脾胃有熱也治宜五苓散十八加竹茹煎服又有積滯

在脾不能運化水谷而吐瀉者宜用消導二陳湯十九 有長夏夾暑吐瀉者宜用六和湯二十

余髫年硯席友陳公載嫂患吐症適余抱風寒因延大方脉用溫胃劑吐亦甚帶疾往視口唇

紅麗出氣蒸手舌色紅燥用熟石膏一錢研碎神茶一碗送下稍止隨加一錢立愈在大人苗

竅尚驗况嬰兒乎後又患吐色竅俱同仍用石膏却不甚應揣之下元或有寒氣用炒鹽熨腹

仍服石膏即愈可見苗竅顏色從不一悞 余於歲癸丑北上到會館湊陳是菴幼郎脾瀉

將慢付余治問曰曾服參否是菴曰如服一分使爬了上壁余心以為南北性豈有異轉思初

到 都門恐孟浪來消以六君子湯去人參連服二劑了無一效復接別醫良久一醫擁輿至

館去後余請所發劑視之劑屬消導因問彼何人斯是菴曰此名震 京都之鄭小見斗也余

曰久瀉將慢何可再用消導之藥用之命不可知矣乃止余便不以其菴之言為正硬用六

君子湯倍加人參且外加附子五分兩服即愈是菴歎曰素聞妙手今果然矣此辨色審竅勿

以人言為信之一驗也 一辨痢疾 夏禹鑄曰吁溪云痢無止法以通利為主此言亦不

盡然何也痢疾有寒有熱白者虛寒也紅者實熱也治宜調脾為主初染二日間身壯熱膿血

稠粘裏急後重腹痛者宜用承氣湯二十一以下之或用木香檳榔丸二十二若虛怯黃不可下病

久身涼自汗宜用補中益氣湯二七挾熱而痢純血宜用四順清涼飲二八或黃連芍藥湯干  
七挾冷而痢純白或乳食不消者宜用理中湯五有濕熱之毒熏蒸清道上致胃口開塞而為  
噤口者宜用人參黃連石蓮子有痢久胃氣虛弱不能乳食而為噤口者宜用理中湯五或六  
君子湯五有積毒之氣上冲而嘔惡者宜用人參敗毒湯二九有胃氣虛寒而嘔惡者宜用附  
子理中湯五有痢後脾虛不能制水而遍身浮腫者宜用六君子湯八九外加蒼朮厚朴猪苓  
澤瀉黃連芍藥有痢久脫肛者經曰肺氣虛寒由脾虛而金無所養故大腸虛脫而下陷也宜  
補脾溫胃用固腸飲六五有積盡而痢久不愈乃脾氣下陷宜用補中益氣湯二七或四君子  
三士若初起宜用薑六八三有夾暑熱而痢下赤白相兼者宜用清暑益氣湯茶枝加香茹  
飲五五 余長男之日五歲時與幼甥同患痢疾男素脾弱痢起腹並不痛痢下純膿白色  
中帶藍色口氣微冷不用通利即以六君子湯服之甥痢純紅遍身有風疹用四順清涼飲加  
防風柴胡兩藥各器用爐煎煨妹換以男藥與甥服之風疹即隱氣喘促哩斲余急以天保赤  
薇湯與服疹復出喘止仍用前湯數劑愈此可見脾虛之極不必清利硬用補劑熱痢宜清不  
可用補之一驗也 一辨瘧疾 瘧疾皆由胃感風寒暑濕而發丹溪有曰若無汗要有汗  
以散邪為主若有汗要止汗以扶正氣為先此千古不磨之至論也發時有寒有熱一寒一熱  
身重骨節疼痛自汗夕嘔者濕瘧也由汗出脫衣衝冒風寒或渴極過飲冷水或冷水浴身所  
致有食瘧者食所傷由飲食過度傷滯所致俱用柴胡前胡青皮陳皮蒼朮白朮白茯苓甘草猪

苓澤瀉知母貝母厚朴半夏黃柏等分姜棗引服一劑以清之於發瘧日之五鼓空心以前方加恒山檳榔草菓仁等分煎服以截之即愈如久瘧不止致中氣弱名曰脾寒用四獸飲三二加姜棗服五六劑自愈

夏禹鑄曰有陰虛似瘧竟作瘧治者這般人都沒有一毫心竅一線想頭夫謂之曰似則兩症相去原是星淵即曰似瘧亦祇似其瘧之脾寒試問譜天下人可有瘧一起而就成脾寒者是必始於清之無法繼又截之無方或從不服藥相延日久纔到脾寒之症明明有這一條來路若一見每日下午身有潮熱冷狀颯颯便作瘧治獨想不到瘧有來路況脾瘧由重減輕陰虛由輕加重兩症判然竟不知別此一種心竅試取黑漆皮燈籠與之相況當耶不陰虛似瘧如潮熱稍重於作寒治用四物湯四土加人參如心脾肝有熱雖湯內已有熟地再外加生地如作寒稍重於潮熱四物湯外加黃芪人參甘草等分參減半如潮熱作寒俱輕只用四物湯不瀉外加女患此加紅花二三分

一辨咳嗽

夏禹鑄曰前書只說風寒暑濕燥火六淫之邪氣侵肺皆令人嗽

又曰五臟六腑皆有嗽非獨在肺此僅言咳嗽之大綱卒未透發六淫侵肺之顏色與臟腑俱嗽之分別余憶其故必從大方脉書上採來為照脉論症故不說到六淫侵肺的顏色亦未分疏臟腑致嗽的根由即言一二形症俱屬模糊余把六淫侵肺臟腑皆嗽這八個字上一一體出形色歷藥不莠若風寒濕三邪侵肺其候面白而畏風燒熱而無汗或頭疼或鼻流清涕唇色晦暗淡白色或滑而易出小便清長便知為風寒與濕氣所侵宜用疏風順氣湯七

清肺欬二七去白朮加防風便愈 火侵肺嗽與火炎無制相何方見後若燥侵肺嗽其候頭面汗出寒熱往來皮膚乾燥皮癢搔癢大便閉結涕唾稠粘治宜潤燥清金之劑用麥冬貝母冬花黃芩防風麻仁甘草赤芍陳皮暑氣侵肺而嗽其候口渴唇淡治宜香茹厚朴扁豆加冬花麥冬致於臟腑皆嗽之說殊屬大慨余着實窮究六淫之外嗽又有五一順傳一逆尅一反侮一隔經傳染一水火不相交濟 順傳之嗽在脾脾不能生子金無土養故而嗽漢武帝時鐘自鳴東方朔曰土其母也母喪則子鳴山必有崩者久之蜀郡守泰山崩以此悟之脾虛肺嗽乃一定之理其候唇口慘白氣弱神疲小便清短大便或溏瀉淡白色便知脾嗽治用六君子湯便愈元 逆尅之嗽在心心火盛則金被火傷而嗽試觀治人燦金火烈而金蹶息火則金安常閻徐無猜地理闡宗書有曰如金星結穴火星作朝此外火尅內不為吉穴湏兩傍有水星山現則制火以救金始為吉因此悟火尅金漢亦一定之理其候舌紅唇燥小便赤澀口氣蒸手便知心火尅金法為瀉心用貝母陳皮甘草黃連木通杏仁麥冬五味等分燈心引煎服三四劑自愈 反侮之嗽在肝肝有制伏肝始不旺如肺弱木強侮金則肺乃被侮而嗽星士家書云我尅者為妻財乃知肝猶肺之妻也彼河東獅吼必因夫主柔弱便恃強侮夫肝侮肺嗽又一定之理其候目勇口苦宜用白芍柴胡冬花五味枳殼半夏甘草等分煎服五劑自愈 水火不相交濟之嗽由腎水不能上升則火炎無制乃土刑肺金而嗽猶之易之未濟離火居上坎水居下水不得火而無功火不得水而功亦無所施水火不相交故不各得其刑

若既濟則為有用矣况五行惟火最烈故昔有慾火無制口中吐出祿廟俱焚者由此觀之豈止嗽耶其症涕唾帶血甚至血溢治用滋陰降火湯四五三五劑自愈屢治屢效案難悉載

隔經傳染之嗽在胃胃有熱因染平肺而嗽肺胃各經視傳不到逆尅不及又不相侮胡為亦

嗽乃由胃肺逼隣胃司食入肺司氣出入雖不同途却其呼吸門戶胃熱熏蒸波及肺竅所

謂失火殃魚亡猿災木者是也其候唇紅口紅作渴氣出大熱治用石膏冬花麻仁五味甘草

以上諸嗽如喘加麥冬天冬如咳有聲無痰加杏仁防風有聲有痰加半夏枳壳 余於本經

咳嗽外復將此五種旁引曲喻無非為嗽雖出自肺家而却有隔經之咳理實難明故不惜多

方以譬明府幸毋以危言罪我 江平世業醫道地距四十餘里一孫咳嗽自藥不應以形色

札白之余併來藥單乃瀉肺之味據白面古唇口皆紅小便赤色余札復示以瀉心之劑後聞

三劑愈此心火刑金瀉心救肺之一驗也 一痘後痘有專科痘中症候不載惟於痘後至緊要症附傳數方

一泄瀉唇口淡白瘡屬平白小便清宜用六君子湯凡 一痘瘡屬平白宜用保元湯中

一痘屬不落過者亦平白宜用八珍湯六九 一痘中眼内生翳子宜用兔糞焙之為末每

服三四錢白水送下服至升餘即散 一痘後瘡屬或紅腫紫腫黑腫急宜解毒用生地連翹

歸尾甘草赤芍等服三四劑毒自熱解散矣 郡城孝廉危東原兩媛痘後一愆期不收一收

後痘屬平白俱有微熱過余過治見唇口慘白氣出微微并用十全大補湯服二劑熱除屬脫

俱轉紅潤隨以保元湯循七調服之愈此望色審竅知血氣而虛之一驗也

一辨諸血 肺朝首脉之氣肝統諸經之血益榮血者水穀之精氣也脾胃有傷榮衛虛弱故血失常道而忘行若氣虛氣弱神疲唇有血色者治法宜用四君子湯三 血虛者精神照原唇舌無色治用四物湯四土加參朮藁前見血為近血用黃湯解毒湯六七薑後見血為遠血用清胃湯四二久不止者用補中益氣湯三七加胡黃連 吐血者胃中積熱宜麥門冬飲

四二或清胃湯四 衄血者脾熱傳肺而肺不能統血從鼻出宜六君子湯六加桔梗當歸梔

仁黃芩 咯血者腎虛也咯如牝鷄喚乳鷄聲嬰兒無此症 有咳嗽而吐血者庸醫多以童

子癆治之悞矣此乃腎水心火不相升降火炎無制治宜滋陰降火湯四五 夏禹鑄曰諸

般失血有面色可審俱屬尋常惟血脫嗽血二種症不多見附錄效案以憑較証余友陳公載

姪女七歲血吐數升身冷如冰通身筋現青色平常損跌之處青色更盛唇口慘白口氣微冷

此乃虛氣血脫初大方脉作肺熱迫血妄行用梔仁黃芩等味吐愈甚此固照理用劑却不知

看色之妙後余用人參黃芪肉桂麥冬甘草白茯苓二劑而愈此氣虛脫血望形審竅之一驗也

咳嗽帶血方見咳嗽類用滋陰降火湯四五屢屢效症無疑二故不附案

一辨中暑中熱 夏禹鑄曰前輩云動而得之為中熱靜而得之為中暑此事甚是然中暑與

中熱病形無異中暑作渴中熱亦作渴中熱說語話中暑亦說語話若不細審形色雖得動靜

二字究何益也如探中暑說語話乃低聲平上而說中熱發狂雄壯商說此猶恐不得甚真只

於口中一看舌色慘白唇無血色口氣微弱面冷便是中暑宜用清暑益氣湯六八立愈若是

唇舌皆紅氣出如焚小便赤澁定是心經中熱宜用木通薄荷煎熱再以犀角磨水一杯羚羊角磨水半杯入煎藥和服即解 乙亥歲余從伯一孫方四歲患病初伯與先君交惡已久伯母呼余往治舉至阻撓且畏之曰彼孫一死禍來匪輕余曰具有兩眼不煩過慮視之口熱微微面色慘極唇舌白淡口道誕詰知為中暑用清暑益氣湯一服愈 穿由郡犀方紹文僅一子乃余婿十七歲抱疾以余只知幼科延兩方脉共治見口說說話便作熱治用畫犀角連翹芩膏涼劑疾益加甚急聞於余余往見直卧如戶口氣冰冷唇舌皆白乃中暑之症悞作中熱大可怪也用清暑益氣湯一服立愈此大方脉切脉不如小兒科望色辨竅為妙之一証也

一辨夜啼 夜啼有六一面深紅多淚無燈則啼稍息見燈則啼愈甚此心熱也遇火兩陽相博故見燈而啼甚也其候手腹必熱小便亦推用水底撈月引水上天河退下六腑及運八卦推坎入艮藥用導赤散二加梔仁薄荷天麻 一哭多睡少天明則已面色青白便亦青白治宜溫下焦用脩急方七四 一為異物所侵目有所視口不能言但睡中驚悸抱母大哭面色紫黑治宜陳皮生姜茯苓神遠志甘草服此仍啼當審其果不犯諸夜啼等症可將雜色紙作一異物之狀令兒一見即對兒以火焚之使兒疑頓然釋念自不啼矣 一有脾胃兩虛吐瀉小食而啼者治宜用六君子湯九加炮姜木香 一有心血不足而啼者以手按其腹即不啼起手又啼此候面必青手冷口不吃乳治用當歸芍藥甘草桔梗桔皮等分服之外此而啼者必非病也或夜醒時為戲燈所慣無燈而啼者有之或乳母缺乳而啼者有之



一辨疳疾 疳者乾而瘦也此由寒熱失理飲食不節或因吐久瀉久痢久瘧久熱久汗久咳久瘡久以致脾胃虧損亡失津液而成也 心疳者面黃頰赤小便赤澀口古生瘡爛渴治

宜寧心丸五士肝疳者肌肉削瘦目胞赤腫鬚生淚多白膜遮睛瀉多青色治宜用疳肝丸五

脾疳黃瘦腹大或吃土吃米吃茶宜用調脾湯中三脾疳潮濕熱喘嗽鼻淵流涎宜先用清肺

湯七二次用化隱丸二五 疳腫者乃由疳久脾衰不能制水故而頭面四肢發腫脹甚者搗

子丸五三如大喘者不治 丁奚腹大項細哺露翻食吐蛔宜用蘆薈丸十五

一赤遊丹火 此候由內有積熱熏蒸外被風熱所感搏於血氣皮膚赤腫色如火灼或旺

頭上或發肢體却非輕症入腹入腎亦能殺人宜速治之用升麻黃芩連翹各一錢大黃朴硝

各二錢同煎服四五劑自愈 余之同袍胡道生子孫頭患丹火接余治用前方服二劑不

退又飭价表請余即以書復曰此症非輕非一二服可愈望重用各味五六劑定然見效後如

數服愈前歲余宗人有一女患此症余囑曰此重症也不可怠緩不聽果死 一淋症 有沙

淋者腎水為熱所結化為沙石內塞水道沙出痛止治用五淋散四六氣淋者小腹脹痛似滿

小便澀滯而痛用瀉白散六九血淋者心熱血散者用五淋散四六加小薊滑石車前子寒淋

者膀胱冷氣與正氣交爭寒戰而後溺治用六味地黃丸十四加附子肉桂有心熱者用清心

蓮子飲五六腎熱者用六味地黃丸十四肝熱者用柴胡梔子飲六四脾熱者用蓮黃散二八

脾虛者用小異攻散十六肺熱者用瀉白散三九肺虛熱者治用小異攻散十六加炒山梔

以上心熱等症七種淋症辨法在辨脾心肺肝腎之歎內求之自明矣

便濁 尿曰如米泔水久則成疴用人參甘草當歸木通猪苓赤芍赤茯苓皮川華解治之

大便不通 脉與大腸有熱熱則津液少而使閉治用四順清涼飲一八血虛燥滯不通者

治用四物湯四土加柏子仁松子仁胡桃仁等分服之 同邑紳徐梅宣公即痘後四十日患

大便閉有七日他友以承氣湯單授之余舅氏時在徐宅力薦請余視之曰血虛之極幸未通

利通則不可藥矣梅宣拍案叫絕曰一望即知神何至此前庸手幾敗乃事此望色審竅知非

肺熱之一驗也 小便不通 小便不通由肺燥不能生水當清肺中之熱而滋腎火之源

治宜用黃芩黃連天花粉知母麥冬茯苓木通甘草等分服之 若脾濕氣不上升當健脾生

金先用瀉黃散三八隨用六君子湯九若膀胱有熱澀滯其流治用五苓散十 出汗

盜汗者寢中通身如浴覺未方知屬陰虛榮血之所主也治宜四物湯四土加黃芪浮小麥黃

煎服有自汗者不時而出動則乃息屬陽虛衛氣之所司也治宜補中益氣湯二七加麻黃根

浮小麥麥門冬煎服有脾虛泄瀉者自汗而汗出有時此症大虛治宜六君子湯九或附子理

中湯五姜棗引煎服 黃疸 黃疸其候色黃屬胆益小兒由飲食所傷薰之濕熱之氣蘊

積脾胃故成此症面目指爪小便遍身皆黃疸症無疑治用地黃茵陳湯七 辨腫脹 凡

腫脹之症有二一曰氣腫先腫而後喘由脾胃虛弱脾主肌肉肺主皮膚土弱不能生金虛氣

上攻乎肺行於面目遍身浮腫也治宜調肺行氣為主用五子五皮湯三七等分煎服輕則六

劑重則十劑無有不愈

只水腫先喘而後腫因上焦煩渴青飲茶水脾虛不能制水水反侮

上上冲乎肺流走皮膚而光腫也治宜實脾利水為主用胃苓湯二又瀉後痢後瘧諸病後

脾虛發腫者宜調脾胃為主用六君子湯九或補中益氣湯三七切不可用通藥如通藥萬不

能活如不因瘧痢諸病後矣然而腫脹者方從水氣二腫治之此方亦大方脉家用之亦無一

不效如通身不腫只管腹腫彈之如鼓聲按之却綿軟此脾虛也宜用六君子湯九加厚朴若

腹腫彈之不响按之如石此單腹脹也不治之症

三消

三消之症是熱者少虛熱者多

不足之症也若作有餘治之悞矣始而心肺尚渴或脾胃消中或腎水消濁傳染日久則腸胃

合消五臟乾燥精神倦怠以致消瘦四肢

消渴心火動而消上下消乎心移熱於肺渴飲

茶水飲之又渴名曰上消治宜蓮花飲七五為主次以生津四物湯川芎八分歸身一錢生地

一錢酒洗知母一錢白芍一錢用水紙包煨麥冬一錢去心川連八分烏梅肉五分天花粉七

分薄荷石蓮肉用黃柏蜜炒甘草炙各五分

消肌脾火動而消中中消於脾移熱於胃喜

多食食無足時小便黃色名曰中消宜用石膏貝母甘草人參須倍加石羔外加粳米次宜生

津養脾

消濁火動消腎移熱於膀胱小便渾濁色如膏脂名曰下消宜用蓮子知母艾實

麥冬入四物湯服之

消症務要養脾生脉降火滋陰病自除矣治三消以生血為主用黃

連天花粉二味為末藕汁生地汁生姜汁人乳并蜜共和二味為糊每次一指面大白湯送下

膀胱氣痛 嬰兒小腸與膀胱氣痛在臍下氣海兩邊筋腫到腎囊逼痛本可振治用川

練子橘核小茴香荔枝核俱焙炒為末再用白酒熱調三四錢一服不數服即愈 呆笑 兒無甚病忽然見人呵呵而笑即不見人亦然每日如是宜用桔梗三錢半夏五錢木通一錢甘草五錢煎服隨於頂心直合穴用艾灸二注即愈 不寐多困 嬰兒不睡有二一心虛一

胆虛睡中不聞人聲忽醒而不寐者此心血不足宜用人參安神丸四〇一有睡中稍聞人聲

响動即驚而不寐者此乃胆虛之極宜用參竹湯七五 有多睡者脾氣虛弱健運之令不行

而嗜卧也治宜溫補其脾用四君子湯三士加木香半夏倍加白朮 龜胸 由感風熱凝

注為痰停滯心胸咳嗽喘促肺氣脹滿攻於胸膈漸成龜胸或乳母過食辛辣夏哺熱乳亦成

此症治宜寬氣化痰丸六二 龜背 由寒風吹背傳入於髓故背突如龜或咳嗽久以致

肺虛腎無所生腎主骨風寒乘虛而入於筋骨致精血不能流通故骨弓而駝治宜松澁丹六

外以拖尿點脊背中中縫即愈已 論解顛顛填顛陷 小兒生下頭縫不合腎主骨而腦為

髓海腎有虧故不合也名曰解顛治宜六味地黃丸十四顛門之起名曰須項宜太連翹飲四

或瀉清湯五七顛門陷如坑者由病久血虛氣弱不能上充治宜固真湯十又以狗骨灸為末

用鷄子清和調敷之乾瘦似疳兒之父母平常節見飲食不傷脾飲食不缺欠又非病後但

見逐日消瘦其症必由有所感思想而難言或二三歲四五歲時母又有所生乳哺懷中多有

痰咬之聲前兒從傍窺視見其咬有所奪不能入懷吮乳惟朝思暮想久則傷脾治之非藥所

能及此症前所未傳今不概見余先君在日余妹歸寧見以甥乾瘦審無他症須見妹哺次甥

長甥則倚膝覽神不在舍因問余妹瘦始於何日妹曰自待次甥後經今月餘矣先君命妹哺兒之時勿令瘦甥得見哺後陽乳入懷以空乳煨之且慰之曰我只疼你如此一月果不藥而肥追思先君妙何如之瘦何如也天柱骨倒天枉骨倒乃項軟也由真氣虛弱客邪入腑傳於筋骨項則軟垂下而無力治宜祛風散四或吐久瀉久病久而軟者治宜六君子湯况加肉桂手軟者宜用慧苡仁當歸秦苑秦仁防風羌活荆芥等分服之足軟者治宜六味地黄四加牛膝五加皮鹿茸等分服之 余之從弟鐸禹懸孫方十個月天柱骨倒弟曰弱極即要用參余曰各邪於內何可據用弟意不果余作色拒之用祛風散作前劑一服項稍直即用六君子湯外加防風五劑愈 五硬 頭項手足強宜如冰乃肝受風邪治宜小續命湯五九

齒病口疳瘡

此病由胎中受熱而成口瘡或牙疳生走馬治宜導滯散二并清胃湯四二

如久病之後瘦弱之極難治之症

重膠重齧

口中上膠皮腫起而囊盛水名曰重膠牙

床腫起名曰重齧俱以大針刺破去血用蒲黃敷之

耳癰

耳內腫及耳外腫耳外出膿

或間一日膿一出或間二日膿一出治宜用黃鱔以刀切斷滴血入耳數次或用天保米薇湯

重舌木舌

重舌者舌下根復生如小舌也木舌者其舌腫硬填口也皆由心脾熱極治用

黃連灶心土木通連翹等分煎犀角磨水入藥服之用朴硝紫雪白鹽每五分用竹瀝調敷自

愈 余於丙午科同從弟鐸再從姪謨鄉試白下侄忽患重舌弟作向外科用刀刺破流出如

鷄蛋清歸寓又腫如此兩回不愈余執舌乃心苗立方用黃連黃芩木通枳殼甘草二劑舌消

一半喉痰忽壅余揣必是誤用黃芩之弊蓋心火刑肺故已不安悻將肺瀉焉不痰壅於是去黃芩加五味二錢一劑並愈此因苗治臟熱症立方見藥不可悞用之一驗也

鶴膝瘋

此候由腎氣不足兩腿細小膝骨腫大如鶴膝之狀治宜屈膝散六六或用六味

地黃丸干四加牛膝鹿茸又有瀉痢久而成此症者紅腫作痛成膿治用補中益氣湯二七如腫硬不痛而色白者治不愈也

痛瘋

四肢上或身上一處腫痛或移動他處色紅不圓

塊參差腫起按之滾熱便是痛瘋治用羌活獨活五加皮威靈仙秦艽防風桂枝前胡如下身加牛膝各一錢煎服數劑自愈

邑庠方玉相幼子左手右足各曲貼肉痛屈不能伸用前方

煎服五劑愈如大人須用酒煮每夜儘量飲每味一兩五錢煮酒約五六斤畢即儉此余刺方

屢效不爽

冷水瘋

脚背上與指上及解溪三帶諸所塊痛不可言一痛幾死用青塊磚

一塊火內燒紅以木桶盛之將老醋澆入磚上以大人手伴見脚懸於磚上蒸之氣莽則將脚

稍為離遠氣溫則稍近總以就磚蒸其氣桶口之處以綿絮之類四面圍塞不令氣洩一蒸之

後即驗如神

迅雷所驚

其候抽掣形狀與前驚無異只手掌內橫直紋痕皆是深黃顏

色此因驚胆其色故黃拿甦用鼓對兒輕輕敲起漸漸加重重擊二三聲持其鼓以解疑即服

參竹湯芎五以寧胆

穿山林宅諱祥者一子四歲臘月被燥自驚死拿醒如父母喚聲略動

又驚死與飲食時先以食示之再做聲便不驚其父亦業幼科投以秦仁遠志等味不效至余

告其顛末余曰此胆家受病作心家醫悞矣余授以參竹湯二劑愈

天庖瘡 此由風邪毒氣容於皮膚揮於血氣而生始生如湯盪作泡一破漿出成瘡治宜生地升麻藍葉山梔大黃各一兩判碎用猪油八兩文武火煎色變生去渣磁器盛之塗患處

癩瘡 其狀如粟粒色赤而瘡癢夏月多生頭面或遍身用天保赤薇湯二等分煎服

黃水瘡 由濕熱與血氣相搏其瘡初生碎小後有膿汁浸淫而成其瘡宜用雄黃雌黃川烏各一兩松香三錢為末亂頭髮一團燒灰存性猪油六兩熬化再入三味煎至髮清盡以綿癩去渣入二黃攪勻盛器塗瘡上

惡核癰癧

此患由風熱毒邪與血氣相搏鬱結成核如

貫珠於耳項之間腫硬白色搖奪不動而有根者便是癰癧或潰爛成膿治如用藥多有不效不妙於用燈火至易而至效余亦曾患此用燈燋兩次即愈今故以燈火燋法垂於身之背面圖如癰癧在左則燋左邊癰在右則燋右邊前自頸上耳脚下起離六分地一點一點直下乳次過脇上至肺愈穴到頸上耳後止在癰上週圍亦燋第二次照原路空處補之便愈若只有核而搖得動者便不是癰癧初起紅腫便是癰疽不可作癰癧治

偏墜

腎囊子或一個腫

大一個小用者如厚朴枳殼樓炒汁末通扁豆生姜甘草車前葉煎服用萬年青根約五十去

黑皮搗碎白酒煎服不吃渣亦愈

玉莖腫痛并腎囊腫

並即陽物如腫痛用黃連木通

各一錢煎服即愈 腎囊腫如琉璃燈樣用塘內水上無根浮萍以篩盛之下用水一盆置篩

於盆上烈日曬乾為細末每服六錢即消製萍如用鍋內烘焙萬萬不乾

灸霍亂 霍亂

灸崑崙穴七次起死神效

灸瘡母

瘡母灸肺愈穴各三壯背對臍穴三壯神效

灸脫肛 脫肛灸龜尾穴症暫用補中益氣湯下服此乃肺氣下陷

灸壯大青筋 壯大

青筋堅如鉄石於臍之上下于左右離三分地各灸二壯即消

灸犬傷 犬傷用青磚

上青苔和牛糞槌爛如其被瘋犬傷於患處用艾灸三壯即愈

灸蛇傷 蛇傷於患處艾

灸三壯 以上灸法俱用獨蒜切片遮患處熾艾於上灸之

疔瘡惡瘡癰百膏異方

粉黃蠟各五錢寒水石 一兩研細用水飛過乳香二錢去油 麻油 三兩先入鍋滾過入蠟化開

再入粉石熬成入乳香攪勻成膏貼之即愈 貼骨疔口掛角各疔瘡發背腦癰大人小兒同

治靈丹 疔瘡發背腦癰髮疽乳癰一切無名腫毒用飛龍奪命丹服之便白頭先不痛不癢

者服之便痛便癢未成者內消已成者即潰其毒化為黑水從小便中出此乃惡毒中之仙

丹用蟬酥乾者酒化三錢胆礬一錢海羊虫二十個雄黃三錢輕粉五分蜈蚣一條艾黃去首

足射香片腦各五分 共為細末酒為丸如菴豆大每服三丸用葱白三根長三寸自嚼爛吐在

男左女右掌心以前丸裹於葱內熱水酒三四鍾送下用厚棉被蓋之取汗約白飯之時再用

熱酒催助汗出其毒即消如汗不出其毒乃重再服三丸汗出即效只是發背疔瘡方可取汗

此方余於都門許宅香火院住持小酉穴喇馬僧處傳來不論大小老幼如有前患用之無有

不效

藥性小引

醫家治病如經生制藝然病有表裏輕重猶題有大小搭截病有來路去路用藥有清源塞流



之法猶題有上文下文作文有承上合下之規藥味猶實詮題回之字眼藥性猶子眼義意之淺深體認不明便成謬誤不觀之下卜子夏乎於素以為絢詩只因一句滑讀過便不解為字之義則醫家下學於首藥之性可昧昧焉而不一為之究耶余前按症列單因病用藥固矣然

藥性賦幼科摘要

寒性

犀角解乎心熱

羚羊清乎肺肝

澤瀉利水通靈

而補

之要焉

陰不足

以能理氣於脚而風濕堪除車前子明目止瀉能清小便瓜蒌子潤肺止嗽下氣寬

中黃柏瀉膀胱而補腎薄荷消諸腫以清風寬中下氣枳殼緩而枳實速療肌解表柴胡次而乾葛先柴胡瀉肝止兩脇之痛枳實消積除久滯之痰百部治肺熱於咳嗽可止梔子涼心腎而鼻衄最宜升麻力消風熱發散瘡痲足陰引氣升陽導藥遊經有四麥冬清心解渴專除肺熱清肺隱伏之火生肺不足之金箔乃鎮心而安魂魄茵陳除濕熱而治胎黃石膏墜頭痛煎清脾胃天冬定肺喘又潤心肝大黃能通閉結朴硝降火通關前胡除內外之實痰滑石利六腑之澁結熱熱地黃滋腎水補益真陰生地黃清心火肺胃解熱赤芍藥行血而療腹痛煩熱亦解白芍藥補虛魚瀉肝火新血能生香附子理氣有消浮腫之功知母滋陰乃瀉腎除蒸之用貝母清熱痰而利心脾寒痰愈滯桔梗通肺竅而傳諸藥肺部引經黃芩瀉大腸之火肺寒勿用常山攻痰結之味劉瘧尤強葶藶子止肺喘以通水氣水菹節消瘀血而止衄紅大黃朴硝乃脾虛送死之鳩毒黃連貝母乃寒痰伐命之斧斤夏禹鑄曰大黃猶之一員猛將朴硝

却是偏裨如賊勢猖獗負隅要衝用之塞旗折賊一出成功若民遭困之餘半定安集尚恐不及亦輕為廟遣不惟無地樹功而且賊梳兵篋輕用之害慘不可言果肺火焰天大腸毒熾一用則瞬息通閔至於臙腑俱虛或氣虛腫脹悞用則掃盡示氣不反而殺人矣嗟嗟夜臺黑暗地獄之設舍殺人者其誰此種堅牢疇能解脫一能筋斗翻來斬新日月縱有前番罪孽是即回世尊誠悔便作光明會上一位大菩薩

熱性

生薑發散除平胃嘔胃熱切不可用五

味止嗽且滋腎癸初嗽不可遽加川芎能祛風濕清頭補血紫蘇力能表散亦可助脾麻黃散寒邪以發表根止盜汗而固虛白朮消濕痰而溫胃利水道以強脾丁香快脾胃以止吐逆附子療虛寒大壯元陽當補虛以養血獨活祛風以治瘋厚朴溫胃且消嘔除痰亦驗肉桂而療冷瀉止汗如神橘紅皮開胃去痰導壅滯之逆氣山茱肉治頭昏暈上下部之遺精

夏禹鑄曰附子之性有富貴的力量用之貴小心謹慎譬之富貴家凶年發賑在細民之既飢且寒者受之則雙眉喜溢如枯木逢春在廉介之士雖橫窺無壁壯氣不衰悞為過問必髮直冲冠以是知肺氣兩虛元陽亡失虛極生寒體如冰雪口中寒氣逼人一用如石投水不特莫之逆也且同流濕就燥如只虛而不寒即寒不到陰極地位形勢猶能自立一用如水投石不特莫之受也而且水火參商是知宜用不妨朝夕不宜却怕分厘語云恩不在大貴期當厄怨不在大只怕傷心可為輕用附子者作一箴規

溫性

木香理乎滯氣半夏主于風痰蒼

朮燥脾去濕山藥脾濕能醫藿香葉止吐溫胃能消喉响之寒痰欵冬花潤肺去痰又定久嗽

之壅喘草果仁溫脾胃以止癘威靈仙宜瘋氣以除疼茴香却膀胱疝氣之痛秦艽去肢節腫痛之癢檳榔治痰逐水治病疾之後重如神訶子生津潤肺療滑瀉之沉疴似聖防風祛風杜仲益腎橘核止腰疼痛疝氣之急痛麻仁潤肺及六腑之燥堅黃芪實腠理益元氣外固表虛之汗肉豈寇溫中止霍亂更助脾臟之虛生姜皮佐消浮腫鈞藤專定驚風 夏禹錫曰黃芪之性溫肉分實腠理益元氣外固表虛之盜汗內托陰症之瘡湯乃脾家氣分之第一種固虛藥也故仲景有曰黃芪甘草以虛元氣之內人參肉桂調和榮衛之中人動曰提氣只知道一個氣字那知道人身上氣有兩種主乎脾者氣之元也主乎脾者氣之元也主乎肺者氣之發也脾之元氣猶母歲之為生為長為收為藏內運之氣是也肺發之氣猶山嶽之晴嵐部落之烟霧溪壑之陰雲碧海樓市外發之氣也不能分別兩種各有所司猥曰提氣嗟嗟黃芪何曾走着肺家又何曾理着肺氣把扶正氣的一味聖藥看壞了致令脾氣虛症卒不敢用不亦深可悼哉予推其故多因肺部有邪氣喘氣促那醫家不去肺清之邪而遽為扶脾之氣適湊其會氣愈喘愈促使誣賴到黃芪身上不然黃芪與肺何涉而亦乱道提氣耶若以余言為謬試到明醫處把黃芪溫肉分實勝理益元氣固盜汗這幾個字幾種性細問一番庶可脫離無問獄步人明鏡臺矣 平性用青皮利脾胃快膈削積天麻定驚癩燥濕祛風甘草調燮陰陽解藥百毒生用乃瀉心經之火人參寧心潤肺助胃開脾生津扶氣肺熱反來傷肺之憂南星去驚風痰吐之苦棗仁有補心去怔之功大腹皮消浮下氣亦能和胃遠志肉遺精能

止而寧心木通猪苓並為利水之祖蓮肉醒脾更有清心之妙白茯苓補虛勞心脾俱利白茯苓寧心藏驚悸能安麥蘖有入脾化食之力脾虛莫用小麥有止汗養心之功浮者為佳神也導食恐傷脾氣百合止嗽煎飲肺虛連召瀉六經之火排却瘡膿大素有健脾之力中滿勿嘗烏梅治便血瘧疾刺兼用竹瀝治痰壅寒滯宜防夏禹鑄曰人參是凡間一種仙丹不肯救度惡人至昔救度善類若脾虛作瀉胃虛發吐心虛驚悸肺虛作嗽津亡作渴氣虛失血病久成慢諸類用之如入芝蘭之室蓋善與善相親也肺熱氣肝風邪熱邪燥邪火邪諸類用之如入鮑魚之肆蓋邪正不肯並立也凡今之人因前庸手誤用傷人相沿視為鴆毒不深可恨哉臚有淫邪不可遽用邪去正衰不可不用遽用者傷人不用者亦殺人也後之君子一能開經大悟作上乘禪師發囊普濟虛寒不須淨土修因即井橋枝頭杏林葉底便結個花宮裡天中大之大波羅蜜也

幼科鏡鏡湯方 一)天保采薇湯 羌活 前胡 半夏 陳皮 柴胡 赤芍 白茯苓

芍 枳椇 厚朴 桔梗 蒼朮 升麻 葛根 合香 獨活 甘草 二)犀角解熱湯 治胎熱

犀角 赤芍 生地 白芷 甘草 連翹 荆芥 防風 丹皮 木通 三)導赤散 治夜

木通 生地 竹葉 黃芩 甘草 四)大連翹飲 治胎熱等症 連翹 赤芍 歸尾 木通

防風 荆芥 甘草 五)理中湯 治胎寒等症 乾姜 白朮 甘草 人參 若加附子則名為

六)釣藤膏 治內吊肚痛 乳香 沒藥 木香 姜蚕 共為細末成丸用釣藤湯下 七)地黃茵陳

湯治胎黃生地 歸尾 猪苓 天花粉 赤芍 赤茯苓 茵陳 澤瀉 甘草 公芍藥

湯治小兒夜啼泄瀉 白芍 澤瀉 甘草 大茵 薄荷 木香 萊菔 生姜 茵六君子

湯治脾胃虛寒等症 陳皮 半夏 人參 白朮 甘草 白茯苓 生姜 加大棗引 固真湯

治慢驚四肢冷不省人事 附子 甘草 人參 山藥 黃芪 肉桂 白朮 白茯苓 加姜

棗引 平一保元湯 治汗多變慢驚 黃芪 人參 甘草 生姜 三片 大棗一枚 水煎服 平

二薑半散 治吐瀉不止將成慢驚 半夏 生姜 肉桂 平三調脾湯 治脾瘕 陳皮 白朮 丁

香 人參 柯子 青皮 甘艸 平四六味地黃丸 治腎府 牡丹皮 熟地黃 白茯苓

山萸肉 酒蒸去核 白澤瀉 淮山藥 右味共為細末 煉蜜丸 如桐大 空心滾水送下 平五

盧薈丸 治丁吳喘露 盧薈 人參 白朮 白茯苓 山藥 木香 陳皮 青皮 麥芽 神

麩 當歸 以上各三錢 檳榔 兩個 麝香 少許 右為細末 用猪胆和打麩糊為丸 如麻子大 清水湯 送下

平六小異攻散 治先瀉後吐 脾胃虛冷 人參 白朮 橘皮 白茯苓 姜末 為引 清水煎服之

平七黃連芍藥湯 治先吐後瀉 黃連 芍藥 猪苓 澤瀉 白茯苓 白朮 甘草 平八五

苓散 治瀉猪苓 白朮 白茯苓 澤瀉 肉桂 平九導消二陳湯 導痰消食 健脾 陳皮 半

夏 白茯苓 白朮 蒼朮 神麩 香附 砂仁 甘草 平十六和湯 治暑瀉 陳皮 半夏

白茯苓 甘草 黃連 厚朴 合香 香茹 加扁豆 木瓜 平二十一胃苓湯 治長夏暑瀉

澤瀉 陳皮 白茯苓 猪苓 厚朴 白朮 甘草 蒼朮 平二十二助胃膏 治胃氣虛寒嘔

幼科 鏡 卷下 十四

惡人參 白朮 白茯苓 甘草 山藥 木香 丁香 合香 砂仁 三十三 柯附丸治飧

泄 柯子肉 灶心土 黑附子為末用米糊為丸加粟米大末湯 二十四 六味肥兒丸治脾胃

虛弱人參 白朮 白茯苓 山藥 薏苡 芡實 蓮肉 甘草 陳皮 山查 麥芽 砂

仁 黃連 澤瀉 芍藥 連翹右味共研細末用蜜為丸婢子大米湯送下 二十五 承氣湯

治裡急後重腹痛痢疾 朴硝 大黃 枳實 厚朴 二十六 木香檳榔丸治食積 黑丑 枳

榔 木香 神麴 大黃 右味片為細末以生姜汁糊丸如粟子大用米湯送下 二十七 補中

益氣湯 黃芪 人參 甘草 陳皮 白朮 升麻 柴胡 當歸 二十八 四順清涼飲

治中焦熱 白芍 當歸 生地 甘草 柴胡 二十九 人參敗毒散治積毒嘔惡 柴胡 前

胡 川芎 羌活 獨活 白茯苓 枳椇 桔梗 甘草 人參 生薑引 三十 四君子湯

治脾胃不調等症 人參 白朮 白茯苓 甘草 薑棗引 三十一 薑茶飲治赤白痢 陳茶葉

老生薑 黃蠟 鹽 車前葉 三十二 四獸飲治虛癰 白朮 人參 白茯苓 草果 半夏

甘草 陳皮 烏梅 姜棗引 三十三 人參養胃湯治瘧疾寒多熱少 陳皮 半夏 茯苓

人參 蒼朮 厚朴 草果 合香 生薑引 三四 清瘡飲 柴胡 枳殼 青皮 半夏

白朮 黃芩 厚朴 猪苓 澤瀉 白茯苓 陳皮 甘草 貝母 知母 前胡 三五 藹

用裁方 加恒山 草果 檳榔 生薑引係加在前單煎服 三六 參蘇飲 人參 蘇梗 桔

梗 前胡 半夏 乾葛 陳皮 枳殼 杏仁 木香 甘草 茯苓 薑引 三七 五子

五皮飲治腫脹 蘇子 山查子 蘿葡子 葶蘆子 香附子 桑皮 橘皮 大腹皮

茯苓皮 生薑皮 三九瀉黃散治濕熱腫脹 赤芍 黃連 黃柏 黃芩 山梔 澤瀉

茵陳 三九瀉白散治肺熱甘草 桔梗 陳皮 桑皮 地骨皮 四土四物湯調益榮衛

川芎 當歸 熱地 白芍 四麥門冬飲治吐血久不止 麥冬 黃芪 當歸 人參

生地 五味子 四清胃陽治裏後見血 山梔子 生地 牡丹皮 黃連 當歸 四三

茵陳湯治黃疸 茵陳 梔子 黃柏 四四祛風散治天柱骨倒 防風 細辛 甘草 羌活

黃芩 白芷 薄荷 當歸 川芎 四五滋陰降火湯治陰虛痰結 人當歸 地黃 白芍

黃連 白茯苓 知母 天花粉 蓮子 黑玄參 甘草 麥冬 燈心引 四六五淋散治

血淋 赤茯苓 赤芍 山梔仁 條黃芩 當歸 甘草 四七清脾飲治熱瘡或熱多寒少 青

皮 半夏 黃芩 甘草 白朮 白茯苓 柴胡 陳皮 草果 厚朴 薑棗引 四八人

參安神湯治心血不足驚悸不眠 人參 麥冬 枣仁 茯神 當歸 生地 黃連 四九

安神湯治心血不足驚悸 半夏 人參 茯神 枣仁 當歸 橘紅 赤芍 五味子 甘

草 姜引 五土寧心丸 麥冬 五錢去心 寒水石 一兩 白茯苓 甘草 牙硝 山藥 五錢 硃

砂 一兩 龍腦 一字 右味均為細末 煉蜜為丸 如芙蓉大 每服半丸 用砂糖水磨下 如慢症用人

參 白朮 煎濃湯化下 五二肝疔丸 五靈脂 夜明砂 龍胆草 天麻 乾蟾頭 全蠍

兩 蟬退 川芎 蘆薈 黃連 青黛 防風 右為末 用猪胆汁浸透為丸 如麻子大 每服

十九薄荷湯送下  
五二化瘰丸治肺疔燕美  
青黛 蘆薈 川芎 白芷 胡連 川連石

味共研為末用蠟燭熾灰猪胆汁浸糊為丸如麻子大每服二十粒瀕臨臥之時用杏仁湯送

下安睡  
五三獨子丸治疔脈羅百子一兩青皮 陳皮 檳榔 赤茯苓 黑牽牛 義木

五靈脂各五錢木香減半右共為細末麵糊為丸如菡豆大每服十五丸桑皮紫蘇煎湯或用

蘆百湯下亦可  
五四加味二陳湯治夏暑傷寒吐瀉陳皮 半夏 白茯苓 甘草 厚朴

香茹 黃連 山查 麥芽 神麴 木通 澤瀉  
五五香茹飲治暑熱香茹 厚朴 扁

豈 黃連  
五六清心蓮子飲治瀉血麥冬 地骨皮 黃芩 甘草 白茯苓 黃芪 柴胡

車前 石蓮肉 人參  
五七瀉清湯治顛填羌活 川芎 梔仁 龍胆草 當歸 防風

各等分  
大黃減半 竹葉引  
五八清金飲治傷風嘔吐前胡 杏仁 桔梗 桑皮 半夏

甘草 旋覆花 薄荷 陳皮 河水煎服  
五九小續命湯治剛柔痲瘋麻黃 人參 黃芩

川芎 芍藥 甘草 杏仁 防風 防己 肉桂 附子 河水煎服  
六十芍藥飲 川芎

蘇葉 陳皮 半夏 前胡 桔梗 枳殼 乾姜 白茯苓 甘草  
六一瀉肝湯 車前

木通 生地 歸尾 山梔 奇苓 龍胆草 甘草 各五分  
六二松蓋丹 治龜背 松花 枳

壳 防風 獨活 各一兩麻黃 前胡 大黃 桂心 各五錢 共為細末以蜜為丸如黍米大

每服二十粒粥飲湯下  
六三寬氣化痰丸治龜胸 大黃 三分 杏仁 百合 木通 桑皮

甜葶藶 天門冬 石膏 各五錢 石味共研細末以蜜為丸如菡豆大食後臨臥之時用熱水



化丸送下安眠 〔六〕四葉胡梔子飲 柴胡 山梔 白朮 川芎 白芍 當歸 丹皮

牛蒡 甘草 以上各味等分河水煎瀝子母並服乳中亦得藥味之性及益也 〔六〕五固腸飲治

久痢不止 木香 黃連 當歸 白朮 人參 白芍 白朮 甘草 訶子肉水煎服 〔六〕

屈膝散治鶴膝瘋 防風 黃芩 牛膝 苦參 用女便浸晒 何首烏用男便浸晒各一錢姜

蚕 天花粉 荆芥蕙各五錢 肥皂核肉一兩 鹿茸五錢 以上藥味等分平准共研為粗末其

服之法每用三錢同冷飯團四兩 猪油六錢 糯米茶葉各一撮 水四碗煎至二碗分作二次

溫服 〔六〕七猪乳膏治胎風胎驚 牛黃 硃砂各少許 取猪乳調搽小兒目中即解 〔六〕八清

暑益智湯治傷暑煩熱 黃芪 升麻 人參 白朮 陳皮 神麴 澤瀉 黃柏 當歸

青皮 乾姜 五味 甘草水煎服 〔六〕九八珍湯 人參 白朮 茯苓 甘草 川芎 當

歸 熟地 白芍 薑朮引 〔七〕十藿香正氣散治傷脾胃外感寒邪合香 紫蘇 大腹

皮 陳皮 桔梗 甘草 茯苓 半夏 神麴 厚朴 白芷 薑朮引 〔七〕一疏風順氣

湯治風寒發喘 紫蘇 乾葛 桑皮 前胡 麻黃 杏仁 甘草水煎服 〔七〕二清肺湯 白

茯苓 陳皮 薄荷 南星 桑皮 細辛 甘草 桔梗 〔七〕三極急方 治夜啼劇急煎葱

湯淋洗其腹又用艾絨烘熾令熱用布包在腹臍之上連熨十數次如艾絨冷再烘熱再連

其痛則漸止漸愈 〔七〕四蓮花飲 甘草 知母 蓮花鬚 川蓮仁 瓜蒌根 五味 人

參 乾葛 白朮 生地 竹葉 〔七〕五麥冬湯 麥冬 人參 竹葉 甘草 小麥 半

夏  
粳  
米  
陳  
皮  
生  
姜